



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

I. Disputatur de Ezechiele.

**urn:nbn:de:hbz:466:1-16260**

suspecto adjunctam reperisset, utrumque e Canone una litura sustulit. Sed hæc accu- Expl. in Psalm.  
rate jam disputata sunt ab iis, qui adversus recentiores Ecclesiæ perduelles sunt veli-  
tati.

IV. Quid quod e Græcis quibusdam Voluminum facrorum exemplaribus exci- Secundum argumentum.  
diffit hæc Epistola deprehenditur? Nempe id efficit, tum ea quam diximus Libelli bre-  
vitas, tum & situs diversitas: cum aliquando Threnis, nonnunquam Baruchi Pro-  
phetia subiungeretur. Fieri enim facile potuit, ut cum Threnos descripsisset librarius  
ex uno Codice, in quo Epistola Jeremias subnexa erat Prophetiae Baruchi, à Thre-  
nis una serie ad Baruchum describendum progressus sit: deinde vero cum Baru-  
chum describeret ex altero Codice, in quo Threnos excipiebat Jeremias Epistola,  
ab incauto & parum attento librario prætermisla sit.

V. Quod si quis Theodore nobis objiciat, qui cum Baruchi librum explana- Tertium ar-  
verit, Jeremias tamen Epistolam non attigit, respondebimus nihil ad Librum illum gumentum,  
Epistolam pertinere; penitusque ab eo, ut dixi, fuisse discretam. Quoniam autem  
Threnos exponens, postremum caput, quo Jeremias habetur Oratio, omisit, ideo  
Epistolam Jeremias, quæ pone sequebatur, simul quoque omisam opinor. Cum cæ-  
teroquin ex facrorum Librorum fide nihil detrahatur, ut dictum est superius, Interpre-  
tum negligentia vel studium, hoc, illucve pro arbitrio industriam suam conferentium.

## DE PROPHETIA EZECHIELIS.

I. Disputatur de Ezechiele. II. Disputatur utrum Ezechiel idem sit ac Zaratus Assyrinus, Pythagore preceptor. III. Ezechieli adscribitur Prophetia, que nomen ipsius prefixum gerit; ejusque probatur γνῶμης & antiquitas.  
IV. Disputatur de duabus Prædictionum voluminibus, que ab Ezechiele  
scripta fuisse tradit Josephus; & de Psalmo sexagesimo quarto, nomine Eze-  
chielis, aliorumque inscripto. V. Refelluntur argumenta Adversariorum.  
Primum argumentum. VI. Secundum argumentum. VII. Tertium argu-  
mentum.

I. PERGAMUS ad Ezechielem Prophetam, Leviticæ tribus, Buzi Sacer- Disputatur de Ezechiele.  
dotis filium, & filiis Pontificum oriundum; in terra Sarera natum; Jere-  
mie coœvum; cum Jechonia rege in Chaldæam deportatum; ibique futura prædicere  
exorsum ad oram amnis Chobar, quinto anno quam illuc traductus est; & per  
viginti annorum decursum vaticinatum; atque ibi demum interfectum à gentiis fūx  
Principe, cum eum, populunque adeo ad idola colenda proniorem ad virtutem ex-  
citaret; & in eadem spelunca sepultum, in qua Sem & Arphaxad, Abrahami proge-  
nitores, ad ripam Euphratis. Hæc scribimus ex fide Scriptoris, qui vitas Prophetarum  
retulit in literas sub nomine Epiphani; qui ad æatem suam superfluisse docet  
Ezechieli sepulcrum, miraculis clarum, & magno Judeorum concursu frequentatum.  
Tum vero nihil aliud fuisse narrat sepulcrum hoc, quam duplē speluncam: at  
Benjamin Tudensis supra sepulcrum magnificentissimi operis testudinem à Jechonia,  
& triginta quoque Judeorum millibus exstructam fuisse narrat, Jechonia, ipsiusque  
comitum, & Ezechieli imaginibus decoratam; illic institutam fuisse Synagogam, &  
locupletissimam Bibliothecam, in qua volumen ingens visebatur Ezechieli manu  
scriptum, & Expiationis die prælegi solitum; ad quam diem, à primo usque Tifri  
die, quod anni initium est, magno peregrinorum illuc pietatis caussa confluentum  
concursu solemnia festa agitari, & frequentissimis nundinis celebrari; nec Judeis so-  
lum, sed Muhammedanis quoque sacrum esse locum ac venerabilem. Fides esto pe-  
nes verpum hunc, qui in longinquis regionibus describendis veris falsa immiscere  
sepe deprehenditur. Certum ẽt quindecim circiter Francicis leucis à Bagdado lo-  
cum nunc quoque magnis Judeorum conventibus celebrari, in quo sepultum Eze-  
chieli arbitrantur. Contra vero Scriptor Itinerari Hierofolymitani, qui vixit Con-  
stantini temporibus, suo aeo prope Bethlehem extitisse tradit Ezechieli sepul-  
crum, atque idem fuisse quod Jobi, Jesse, Davidis, & Salomonis. Quod valde ine-  
ptum est. Facebat etiam Abrabaniel, qui Ezechiem & in terra Chanaan, & extra  
eam vaticinatum esse docet; cum quinto demum post deportationem suam anno fu-  
tura prædicere aggressus sit.

Ee ij